



Innkalling av Formannskapet

Møtedato: 31.01.2017
Møtestad: Formannskapsrommet
Møtetid: 09:00 - 12:00

Det vert eit kort møte i valstyret før lunsj - sjå eiga møteinnkalling.

Eventuelle forfall må meldast via Møteportalen (politikarportalen). Ordføraren må og få melding om forfall til møter.

Varamedlemmer møter berre etter nærare avtale.

Sakliste

| Saknr | Tittel |
|----------|---|
| 005/2017 | Godkjenning av innkalling og saksliste |
| 006/2017 | Godkjenning av møtebok |
| 007/2017 | Referatsaker |
| 008/2017 | Orienteringssaker |
| 009/2017 | Avtale med Modalen kraftlag BA vedkomande konsesjonskraft for 2017 - 2020 |
| 010/2017 | Høgsterett sak om eigedomsskatt på nettanlegg - økonomisk stønad til saka |
| 011/2017 | Tildeling - kulturminnevernmidlar 2017 |
| 012/2017 | Reviderte retningsliner for tildeling av kulturmidlar |
| 013/2017 | Tilrettelegging helleristingar inkl. fysiske tiltak v/ Mostraumen |
| 014/2017 | Revisjon av SNP, arbeidsdokument styringsdok. 31.01.17 |

1. februar 2017
Tom Kristian Thorsen
møteleiar

Øivind Olsnes
sekretær

Sakspapir

| Saksbehandler | Arkiv | ArkivsakID |
|---------------|-------|------------|
| Øivind Olsnes | | 17/13 |

| Saksnr | Utvalg | Type | Dato |
|----------|---------------|------|------------|
| 005/2017 | Formannskapet | PS | 31.01.2017 |

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Sakspapir

| Saksbehandler | Arkiv | ArkivsakID |
|---------------|-------|------------|
| Øivind Olsnes | | 17/13 |

| Saksnr | Utvalg | Type | Dato |
|----------|---------------|------|------------|
| 006/2017 | Formannskapet | PS | 31.01.2017 |

Godkjenning av møtebok

Forslag til vedtak:

Møtebok vert godkjend slik ho ligg føre

Saksopplysningar:

Vedlegg:

Protokoll - Formannskapet - 05.01.2017

Sakspapir

| Saksbehandler | Arkiv | ArkivsakID |
|---------------|-------|------------|
| Øivind Olsnes | | 17/13 |

| Saksnr | Utvalg | Type | Dato |
|----------|---------------|------|------------|
| 007/2017 | Formannskapet | PS | 31.01.2017 |

Referatsaker

Underliggende saker:

| Saksnummer | Tittel |
|------------|---|
| 007/2017.1 | Oppfølging - Godkjenning av revidert avtale for Syns- og audiopedagogisk teneste i Hordaland gjeldende fra 1.1.2017 |

Forslag til vedtak:

Referatsaker vert tekne til orientering.

Saksopplysningar:

Vedlegg:

Syns- og audipedagogisk teneste i Hordaland SAPT_D1_H

Sakspapir

| Saksbehandler | Arkiv | ArkivsakID |
|---------------|-------|------------|
| Øivind Olsnes | | 17/13 |

| Saksnr | Utvalg | Type | Dato |
|----------|---------------|------|------------|
| 008/2017 | Formannskapet | PS | 31.01.2017 |

Orienteringssaker

Forslag til vedtak:

Sakene vert tekne til orientering

Saksopplysningar:

Sakspapir

| Saksbehandler | Arkiv | ArkivsakID |
|---------------|-------|------------|
| Øivind Olsnes | | 17/4 |

| Saksnr | Utvalg | Type | Dato |
|----------|---------------|------|------------|
| 009/2017 | Formannskapet | PS | 31.01.2017 |
| | Kommunestyret | PS | |

Avtale med Modalen kraftlag BA vedkomande konsesjonskraft for 2017 - 2020

Forslag til vedtak:

Modalen kommune overfører eiga konsesjonskraft til Modalen Kraftlag utan vederlag for den del av forbruket som går til kommunalt forbruk og til private innbyggjarar / kundar og landbruk.

Modalen kommune vidarefører underteikna avtale med Modalen kraftlag om sal av konsesjonskraft for den del som skal vidareselest til lokalt næringsliv, men med endring av pris i samsvar med vedtak i KS 017/2015. Differansen mellom marknadspris og kostpris skal heilt ut tilfalle næringsfondet.

All kraftmengda skal uavkorta stillast til rådvelde for abonnentane i Modalen kommune til lågast mogleg pris der og prisen på kjøp og overføring av krafta bør bli teke omsyn til.

Vedtaket gjeld for disponering av kommunen si konsesjonskraft til og med 31.12.2020.

Rådmannen legg fram ny sak til kommunestyret i første halvår 2020.

Saksopplysningar:

Bakgrunn

I kommunestyremøte den 15.12.2016 (sak 074/2016) vart det gjort slik vedtak:

Avtale med Modalen Kraftlag BA vedkomande disponering av kommunen si konsesjonskraft vert prolongert på gjeldande vilkår til med 30.06.2017.

Rådmannen legg fram ny sak til kommunestyret i løpet av 1. halvår 2016.

«Gjeldande vilkår» er slik fastsett av kommunestyret i følgjande vedtak/saker:

Møte den 06.12.2012 - KS-056/2012:

Modalen kommune overfører eiga konsesjonskraft til Modalen Kraftlag utan vederlag for den del av forbruket som går til kommunalt forbruk og til private innbyggjarar / kundar og landbruk.

*Modalen kommune godkjenner framlegg til vedlagt avtale med Modalen kraftlag om sal av konsesjonskraft for den del som skal vidaresejast til lokalt næringsliv.
Differansen mellom marknadspris og kostpris skal i sin helhet tilfalle næringsfondet.*

All kraftmengda skal uavkorta stillast til rådvelde for abonnentane i Modalen kommune til lågast mogleg pris der og prisen på kjøp og overføring av krafta bør bli teke omsyn til.

*Vedtaket gjeld for disponering av kommunen si konsesjonskraft til og med 31.12.2016.
Rådmannen legg fram ny sak til kommunestyret i 2016.*

Møte den 09.04.2015 - KS-017/2015:

Modalen kommunestyre vedtek slik endring av underteikna avtale mellom Modalen kommune og Modalen kraftlag om salg av konsesjonskraft:

Pkt 5. Vederlag

vert endra frå:

Kraftlaget skal betale marknadspris til kommunen for kraften. Prisen for avtaleperioden er fastsatt til 20 øre/kWh, jf. likevel kontraktens pkt. 10 om oppsigelse.

til:

Kraftlaget skal betale marknadspris til kommunen for kraften. Prisen for avtaleperioden er fastsatt til 16 øre/kWh, jf. likevel kontraktens pkt. 10 om oppsigelse.

Vurdering

Modalen kommune er vertskommune for delar av BKK si kraftutbygging i Stølsheimen. BKK som konsesjonær må avgje inntil 10 % av innvunne kraft frå utbygginga til vertskommunen og/eller fylkeskommunen til årleg fastsett pris. Samla konsesjonskraft for Modalen kommune framgår slik:

NVEs database for vassdragskonsesjoner (KDB) - Konsesjonskraft Rapport: K-6 12.11.2015

| Kraftverk | Kraftverkseier | Vedtaksdato | Mengde i MWh |
|------------------|-------------------------|-------------|--------------|
| 77 Evanger | 25445 BKK PRODUKSJON AS | 24.05.2011 | 3 862,6 |
| 263 Matre H | 25445 BKK PRODUKSJON AS | 18.12.1984 | 13 169,5 |
| 400 Steinsland | 25445 BKK PRODUKSJON AS | 24.05.2011 | 10 796,5 |
| 400 Steinsland | 25445 BKK PRODUKSJON AS | 07.12.1992 | 20 562,0 |
| 494 Vemundsbotn | 25445 BKK PRODUKSJON AS | 18.12.1984 | 7 042,1 |
| 584 Hellandsfoss | 25445 BKK PRODUKSJON AS | 12.03.2002 | 3 171,1 |
| 584 Hellandsfoss | 25445 BKK PRODUKSJON AS | 24.05.2011 | 1 612,2 |
| 753 Åsebotn | 25445 BKK PRODUKSJON AS | 12.03.2002 | 5 636,4 |

| | | | |
|------------|-------------------------|------------------------|-----------------|
| 827 Nygard | 25445 BKK PRODUKSJON AS | 24.05.2011 | 5 227,2 |
| | Sum | konsesjonskraft | 71 079,6 |

Modalen kommune har rett til uttak av konsesjonskraft som tilsvarar det allminnelege kraftforbruket i kommunen. Dette utgjer årleg ca. 9 GWh. Det overskytande konsesjonskraftvolumet tilfell Hordaland Fylkeskommune.

Utteken kraft kan kommunen nytta etter eige skjønn, enten ved sal av konsesjonskrafta i marknaden, bruke konsesjonskrafta til kommunale bygg eller tildele krafta til eigne innbyggjarar. Men konsesjonskraftrettane må forvaltast innanfor gjeldande konkurransereglar.

I kommunestyremøte den 27.09.2012 deltok advokatfirmaet Lund & Co DA for å gjennomgå ulike juridiske sider med forvaltning av konsesjonskrafta og gav informasjon til kommunestyret om kva som måtte takast omsyn til i ein avtale med Modalen kraftlag.

Fram til 2013 vart Modalen kommune si konsesjonskraft distribuert til kostpris til alle Modalen Kraftlag sine abonnentar i kommunen. Dette var ikkje i samsvar med EØS sine statsstøttereglar. Frå 2013 vart det gjort ei endring ved sal av konsesjonskraft til næringslivet basert på ein nærmare vurdert marknadspris. I høve til tidlegare praksis vart det derfor inngått ein separat avtale om sal av denne delen av konsesjonskrafta til Modalen kraftlag.

Vilkåra i avtalen med Modalen kraftlag om videresal av konsesjonskrafta til næringslivet vart fastlagt for ein periode gjeldande for 10 år (løper til 31.12.2022). Marknadsprisen, som vart fastsett, var basert på ei vurdering i eit slikt lengre tidsperspektiv. Avtalen kan likevel seiast opp av begge partar med 6 månader verknad dersom prisutviklinga skulle tilsei at det er naudsynleg å føreta ein korreksjon.

Ved oppstart av avtalen var det juridiske og faglege vurderingar som tilsa at marknadspris vart sett til 20 øre/kWh. Etter ei ny vurdering av marknadsprisen endra kommunestyret i møte den 09.04.15 denne til 16 øre/kWh, jmf Ksak 017/2015.

I 2015 utgjorde Modalen kraftlag si omsetninga av kraft til næringslivet ca. 1.1 Gwh og Modalen kommune sitt næringsfond vart tilført kr 65.419. Grunna prisendringar vil betalinga til kommunen verte lågare i 2016 og i åra framover.

Sjølv om kraftprisen dei seinare åra har vore låg, så er det ikkje grunn til å redusere denne ytterlegare. Marknadsprisen for konsesjonskraft har for årskontraktar i denne perioden lege på ca 25 øre/kWh og over det nivå som vart antyda ved handsaminga av saka i 2015.

Modalen kraftlag har gjennom mange år disponert Modalen kommune si konsesjonskraft, og dei er avhengig av denne krafta for framleis å kunne drive si verksemd som i dag. Det har vore brei politisk semje om at konsesjonskrafta skal distribuerast av Modalen kraftlag, og vilkåra er i dag forvalta i samsvar med gjeldande konkurransereglar. Rådmannen finn derfor ikkje grunn til gjere ytterlegare vurderingar av andre alternativ, men syner til kva som er peika på i tidlegare saksutgreiingar ved handsaming av konsesjonskrafta i ulike kommunestyreperiodar.

Når det gjeld bindingstida på forvaltninga av konsesjonskrafta etter fastsette vilkår, så er det rimeleg

at denne vert avgrensa til fire år. Dette for ikkje å binde opp eit nytt kommunestyre, men leggje til rette for at dei kan føreta ei sjølvstendig vurdering av saka etter nyval, basert på dei føresetnader som då måtte rå for kommunen.

Rådmannen vil her kort peika på at kommunen sjølv, ved seinare økonomisk behov, kan redusere sine kostnader for kjøp av straum til eigne anlegg/byggingar eller auka si inntekt ved sal av konsesjonskrafta i marknaden. Kommunen sine årlege gevinst for sal av konsesjonskraft til lokalt næringsliv, er som rapportert i årmeldingar, tilført kommunlat næringsfond, men kan også nyttast som frie inntekter ved omgjerung av dette vedtaket. Dette er alternativ som rådmannen legg til grunn ikkje er aktuelt å endre på no.

Når det gjeld pris på konsesjonskraft for 2017 slik den vert teken ut i Modalen er den slik fastsett:

Beregning av endelig konsesjonskraftpris for 2017. Konsesjoner gitt etter april 1959

Olje- og energidepartementet viser til brev fra NVE av 16. desember 2016. NVE beregner her gjennomsnittlige produksjonskostnader for kraftverk satt i drift fra og med 1960. Departementet vil knytte noen merknader til beregningen.

Ved beregningen av konsesjonskraftprisen er det benyttet en kalkulasjonsrente på 5,30 prosent.

Departementet har ved beregning av konsesjonskraftprisen for 2017 bedt NVE hente inn oppdaterte skatte- og driftskostnadstall. Skattetallene som ligger til grunn i beregningen av eiendomsskatt for 2016 er fra selskaper som inngår i modellen "mini-vannkraft Norge". Det er sett bort i fra kostnader knyttet til naturressursskatt. For øvrige skattearter følger prisfastsettelsen av retningslinjer gitt i departementets brev av 7. april 2003. Driftskostnader for 2015 er beregnet etter data hentet fra de samme kraftverkene. Drifts- og skattekostnader er indeksjustert til 2017-nivå i henhold til anslag på konsumprisvekst i Nasjonalbudsjettet 2017.

Ved uenighet om konsesjonskraftprisen fastsetter Olje- og energidepartementet prisen på konsesjonskraft for konsesjoner gitt etter 10.04.59 til 11,48 øre/kWh for hele leveringsåret 2017.

Konklusjon:

Rådmannen rår til at gjeldande avtale om sal av konsesjonskraft til marknadsmessige vilkår for den del som Modalen kraftlag skal vidaresele til lokalt næringsliv og at øvrig konsesjonskraft vert vidareformidla på vilkår som tidlegar fastsett i KS 056/2012 og KS 017/2015.

Vedlegg:

Underteikna avtale om salg av konsesjonskraft (L)(19638)

Notat vedkomande vurdering av kraftprisar Lund og Co

Sakspapir

| Saksbehandler | Arkiv | ArkivsakID |
|---------------|-------|------------|
| Øivind Olsnes | | 17/14 |

| Saksnr | Utvalg | Type | Dato |
|----------|---------------|------|------------|
| 010/2017 | Formannskapet | PS | 31.01.2017 |

Høgsterett sak om eiedomsskatt på nettanlegg - økonomisk stønad til saka

Forslag til vedtak:

Modalen kommune støttar ankesak om eiedomsskatt på nettanlegg med kr 20.000, finansiert ved bruk av næringsfondet i 2017.

Saksopplysningar:

Bakgrunn

Brev datert 19.09.2016 og epost datert 09.01.2017 frå LVK.

Vurdering

Syner til vedlagt brev og informasjon om saka frå LVK i LVK-nytt 16. september 2016:
[http://lvk.no/nyheter/kommunene har anket statnettdommen til hoyesterett](http://lvk.no/nyheter/kommunene%20har%20anket%20statnettdommen%20til%20hoyesterett)

Denne saka reiser prinsipielle spørsmål om berekninga av fradraget for slit og elde på nettanlegg samt domstolane sin adgang til å prøve dei kommunale takstnemndene sitt verdsettelseskjønn. Spørsmålet om berekninga av fradraget for slit og elde vil få betydning for *alle kommunar som utskriv eiedomsskatt på nettanlegg*. Spørsmålet om domstolane sin adgang til å prøve nemndene sitt verdsettelseskjønn vil få betydning for *alle kommuner som utskriv eigendomsskatt, uavhengig av kva slags objekt det er tale om*.

Søksmål mot fleire kommunar er stansa i påvente av rettskraftig avgjerdelse i saka. LVK er, som for tingretten og lagmannsretten, partshjelp til støtte for de tre kommunene Hjelmeland, Hol og Evje og Hornnes.

Dei tre kommunene og LVK oppmodar medlemskommunane til å stå samla og bidra i kronerulling til støtte for dei tre tilfeldig utvalgte kommunane.

Konklusjon

Rådmannen rår til at Modalen kommune støtter ankesak om eigedomsskatt på nettanlegg med kr 20.000, finansiert ved bruk av næringsfondet i 2017.

Samla sett bruker Modalen kommune då kr 40.000 av næringsfondet til stønad av saka ved handsaming i Lagmannsetten i 2016 og i Høgsterett i 2017.

Vedlegg:

Statnett-sak for Høyesterett – Oppfordring til kronerulling - LVK

Sakspapir

| Saksbehandler | Arkiv | ArkivsakID |
|---------------|--------------------|------------|
| Ove Sæbø | FA - C55, FE - 223 | 16/203 |

| Saksnr | Utvalg | Type | Dato |
|----------|---------------|------|------------|
| 011/2017 | Formannskapet | PS | 31.01.2017 |

Tildeling - kulturminnevernmidlar 2017

Forslag til vedtak:

Formannskapet løyver:

- kr. 5 580,- i tilskot (50 % av materialkostnadane) til Terje Nygard til vedlikehald av støl på Nygard.
- kr. 38 955,- i tilskot (50 % av materialkostnadane) til Trond Helland til restaurering/flytting av stabbur/vedhus.
- kr. 29 850,- i tilskot (50 % av materialkostnadane) til Lewis H. Bolstad til renovering av eldhus.
- kr. 15 169,- i tilskot (50 % av materialkostnadane) til Liv og Reidar Nygard til støtte til vøling av tak på bustadhus.

Felles for kvar av løyvingane er at pengane vert utbetalt når arbeid er utført og kvitteringar ligg føre. Tilsegnet står ved lag i eit år frå vedtaksdato.

Saksopplysningar:

Bakgrunn

Modalen kommune løyver tilskot til tiltak som omhandlar istandsetjing av eldre bygningar, lør, stølshus, naust, smier og andre kulturminne som ligg innanfor Modalen kommune sine grenser. Reviderte vedtekter d. 11.05.10 ligg til grunn for vedtaket.

Det vart lyst ut midlar i haust med søknadsfrist 11. november 2016 kor 4 søknader kom inn innan fristen.

Vurdering

Terje Nygard søker om støtte til vedlikehold av støl (gnr/bnr 85/2) på Nygard. Materialkostnader er rekna til kr. 11 160,- inkl. mva. Stølen er ein viktig del av kulturhistoria til Modalen då han representerer kulturmiljøet som har representert Modalen over ein lang tidsperiode, og som kommunen ynskjer å ta i vare. Stølar og stølsmiljø er trukke fram i kulturminnevernplanen i oversikt over utvalgte kulturminne og kulturmiljø. Nygard sin støl er ikkje inkludert i dette utvalet, men me finn han vesentleg i forhold til å vere ein del av særpreget for Modalen. I tillegg er tildeling ein viktig i faktor i forhold til å skape interesse for kulturminnevernet i kommunen.

Trond Helland søker om støtte til restaurering/flytting av stabbur/vedhus (gnr/bnr. 78/1) på Helland. Materialkostnader er rekna til kr. 77 909,- inkl. mva. Vedhuset er registrert i kulturminnevernplanen. Eldhuset er registrert i kommunen sin kulturminnevernplan under kategori C – andre verneverdige kulturminne og kulturmiljø. Vurderinga er at restaureringa/flyttinga bidreg til at breidda i kulturminna i kommunen vert ivareteken, ein opprettheld kulturminne som er særprega for Modalen, og at tildelinga er ein viktig i faktor i forhold til å skape interesse for kulturminnevernet i kommunen.

Lewis H. Bolstad søker om støtte til renovering av eldhus på garden Hugnastad. Materialkostnader er rekna til kr. 59 159,- inkl. mva. Eldhuset er ikkje registrert spesielt i kulturminnevernplanen, men eldhusa representerer ein viktig del av Modalen sin mattradisjon. Eldhus er såleis en viktig del av kommunen sitt kulturmiljø som ynskjeleg å ta i vare. Tildelinga ein viktig i faktor i forhold til å skape interesse for kulturminnevernet i kommunen.

Liv og Reidar Nygard søker om støtte til vøling/omleggjing av tak på bustadhuset sitt. Materialkostnader er rekna til kr. 30 338,- inkl. mva. Huset er ein del av Mo sentrum kor det er eit særskilt husmiljø (4 hus) i vernekategori B - rett på vestsida/over vegen. Dei 4 husa har stor lokal verdi som bør sikrast ved særskilte tiltak, først og fremst ved regulering til spesialområde for vern etter PBL. Vurderinga er at nemnte hus på mange vis høyrer til same kulturmiljø i forhold til byggetidspunkt og byggestil. Det er ikkje naturleg å knytte fleire hus i området til denne gruppa. I forhold til at kulturmiljøet desse husa er ein del av representerer eit særpreg for Modalen, og at huset har verdiskapingsfunksjon i forhold til Mo sentrum, vil me i denne omgang tilrå å støtte tiltaket.

Konklusjon

Det vil alltid vere kommunen sine vurderingar som ligg til grunn for å tilrå støtte. Grunnlaget for desse vurderingane endrar seg over tid fordi det vil vere ulik søknadsmasse/behov, samt at vernarbeidet trass alt syt for at kulturminna vert i betre og betre stand. Noko som fører til at det etter kvart står att færre tiltak å ta fatt på. For 2017 er såleis konklusjonen at forslag til vedtak vil styrke kulturminnevernarbeidet i tråd med intensjonane i plan (aug. 2000) og rapport (11.05.10).

Vedlegg:

Vedtekter kulturvernmidlar pr. 11.05.10

Rapport, kulturminnevernmidlar 2010 - 2015. (L)(10894)

Sakspapir

| Saksbehandler | Arkiv | ArkivsakID |
|---------------|----------|------------|
| Ove Sæbø | FE - 223 | 17/17 |

| Saksnr | Utvalg | Type | Dato |
|----------|---------------|------|------------|
| 012/2017 | Formannskapet | PS | 31.01.2017 |

Reviderte retningslinjer for tildeling av kulturmidlar

Forslag til vedtak:

Modalen kommune vedtek reviderte retningslinjer d. 12.01.17 for tildeling av kulturmidlar.

Saksopplysningar:

Bakgrunn

Modalen kommune ynskte å samle rammer, søknadsinformasjon og retningslinjer for tildeling av kulturmidlar i eit dokument – *retningslinjer for tildeling av kulturmidlar* – slik vedlegget syner.

Vurdering

Kultur- og utviklingssjef gjennomførte 12.01.17 eit møte med lag og organisasjonar i Modalen kor me gjekk gjennom forslag til reviderte retningslinjer. Forslag var sendt alle i forkant i saman med invitasjon til møtet.

Forslaget vart drøfta i møtet og resultatet vart at dette var retningslinjer alle kunne stille seg bak. Rådmannen vurderer slik at det er semje omkring tildelingsgrunnlaget og at dette er eit godt utgangspunkt både for vidare samarbeid.

Konklusjon

Retningslinjer for tildeling av kulturmidlar byggjer på ei drøfting kor spørsmål m.m. vart avklara. Dette skal vere eit bidrag i forhold til å inkludere og involvere aktuelle aktørar i arbeidet og finne grunn for felles forankring.

Vedlegg:

Retningslinjer for tildeling av kulturmidlar - forslag til FORM 31.01.17,

Sakspapir

| Saksbehandler | Arkiv | ArkivsakID |
|---------------|----------|------------|
| Ove Sæbø | FA - C51 | 16/248 |

| Saksnr | Utvalg | Type | Dato |
|----------|---------------|------|------------|
| 013/2017 | Formannskapet | PS | 31.01.2017 |

Tilrettelegging helleristingar inkl. fysiske tiltak v/ Mostraumen

Forslag til vedtak:

Modalen kommune vedtek å gjennomføre tiltak som omhandlar fysisk tilrettelegging rundt helleristingspunkt v/ Mostraumen. Dette inneber skilting, tilrettelegging av parkeringsplass for båthamna samt bearbeiding og sikring av helleristingspunktet. Prosjektet er eit samarbeid mellom Hordaland fylkeskommune, grunneigar og Modalen kommune. Det vert løyvd inntil kr. 95 000,- i føreslegne investeringar finansiert gjennom næringsfondet.

Årlege driftskostnadar på kr. 14 000,-er lagt inn i kulturbudsjettet.

Saksopplysningar:

Bakgrunn

Hordaland fylkeskommune har fått kr. 300 000,- i støtte til å utvikle ein app som skal gjere bergkunst/helleristingar meir/digitalt tilgjengeleg for publikum. Helleristingane ved Mostraumen vart peika ut som eit mogleg pilotprosjekt kor utviklinga kunne finne stad. Det var etablert ein dialog mellom Hordaland fylkekommune v/ Fylkeskonservatoren og Modalen kommune kor kommunen vart oppfordra til å ta del i prosjektet.

Kommunen sin innsats er knytt til fysisk tilrettelegging på staden, samt drift/hosting av server.

Vurdering

Slik skildrar utviklaren prosjektet:

Hordaland fylkeskommune, i samråd med sine underavdelinger og partnere, ønsker å gjøre helleristningene på Mostraumen tilgjengelig for publikum på en ny og moderne måte. Ved bruk av moderne teknologi med høy nøyaktighetsgrad ønsker man å la publikum få se og ta del i noe man ellers måtte hatt spesielle natur- og lysforhold og/eller fagkunnskap for å se detaljer i.

Hvordan blir et besøk ved Mostraumen i fremtiden?

Når brukeren starter den nye applikasjonen vil en få opp indikatorer på skjermen som leder bort til helleristningene. Kartet og veiledningene gjenspeiler avstanden til stedet, slik at man vil få en helt annen visning om man er 100 meter unna enn om en befinner seg i Bergen sentrum.

Vel fremme ved Mostraumen får man instruksjoner om å holde opp den mobile enheten og peke den mot fjellveggen, slik at det innebygde kameraet og ulike måleinstrumentene kan gjøre jobben sin med å lete frem helleristningene. Når man omsider fanger disse på kamera vil man kunne se det som for det nakne øyet nesten er usynlig, i aller høyeste detalj. Brukeren kan velge å manipulere helleristningen på skjermen med fingertuppene for å zoome eller snu på kunstverket. Når man er ferdig hopper bildet tilbake til vanlig visning av kamera med visning av fjellveggen bak.

Det er også meningen at man skal kunne lese tilgjengelig informasjon om de ulike helleristningene samtidig som at applikasjonen har linker til eventuelle referansesider og eventuelle andre viktige tilknytninger.

Modalen kommune har i samarbeid med fylkeskommunen høve til å trekke fram og aktualisere bergkunsten i Mostraumen. Dette vil kunne bli eit av fleire kulturpunkt som styrkjer Modalen sitt omdøme. Samstundes har det høg kulturhistorisk verdi å ta vare på minner frå fortida. At bergkunsten også kan gjerast tilgjengeleg gjennom ny teknologi (pilotprosjekt) opnar opp for langt fleire enn i dag.

Pilotprosjektet legg til rette for IOS - ikkje Android. Årsaka er at ei plattform måtte velgast på grunnlag av avgrensa sum (kr. 300 000,-). Utviklar peiker på at det er færre brukarar av IOS, men at bruken av Ipad er større, og at ein difor har valgt dette som løysing. Dersom prosjektet vert ein suksess er det berre økonomi som evt. stoppar utvikling av Android plattform.

30. nov. 2016 var utviklar på staden og gjorde omfattande laserskanningar. Rådmannen opplever at dette er ein sær sars aktuell veg å gå for å løfte fram og sikre merksemd rundt helleristingane, samt bidra til at dei også i framtida vil engasjere publikum. Det er òg positivt at Modalen kommune er valgt som pilotkommune for ei slik digitalisering. Det er fleire helleristingspunkt i regionen/landet, men ikkje alle klarer å aktualisere desse / gjere dei tilgjengelege.

Dersom Modalen ikkje ynskjer å ta del i prosjektet vil likevel teknologien verte utvikla. Me har p.d.d. ikkje forplikta oss til å ta del.

For at Modalen kommune skal kunne ta del i prosjektet er me avhengige av eit godt samarbeid med grunneigar. Kultur- og utviklingssjef hadde eit møte med Einar Farestveit 24. oktober 2016 kor saka vart drøfta. Farestveit var sær positiv til prosjektet. Som grunneigar var han samstundes oppteken av at nokre forhold måtte tilretteleggjast på kaiområdet. Dette er å forstå som forutsetnadar for å kunne gå vidare med prosjektet:

- Det må tilretteleggast for innramma parkeringsplass for brukarar av båthamna (16 plassar) slik at desse ikkje kjem i konflikt med besøkande til bergkunsten. Det må setjast opp skilt kor det vert varsla om privat parkering. Grunneigar foreslo rundstein rundt det aktuelle området. Skisse må avklarast med grunneigar. Vurderinga er at det er tilstrekkeleg med

areal på kaien til å legge for rette for slik innramming av parkeringsplass. I tillegg må ein sikre tilgang for brøytebil. Kostnad: ca. kr. 50 000,-.

Grunneigar er oppteken av at bergkunsten vert tilstrekkeleg sikra i forhold til skade/hærverk. Dette er også i fylkeskommunen og kommunen si interesse m.a. gjennom sikringsone på 5 m rundt. Her foreslo grunneigar også bruk av rundstein. Kostnad ca. kr. 15 000,-.

I tillegg ynskjer grunneigar at slaghol o.l. i vegen frå fylkesveg og ned til kaiområdet vert utbetra. Kostnad ca. kr. 5 000,-

Andre kostnader:

Det vil vere behov for informasjonsskilt ved helleristingane (inkl. instruksjonar om bruk), etablering av referansepunktmarkørar, samt eit plate/steinpunkt å stå på. Kostnad ca. kr. 23 000,-.

I tillegg vil det vere behov for skilting ved fylkesveg og ned til helleristingane. Dette er ein dialog mellom fylkeskommunen og Vegvesenet.

Det vil verte ein årleg kostnad for Modalen kommune på ca. kr. 14 000,- å hoste (serverdrift) løysinga.

Budsjetterte investeringskostnader vil verte omlag kr. 93 000,-.

Desse kostnadane er foreslått finansierte gjennom Modalen kommune sitt næringsfond. I retningslinene for næringsfondet er det lagt til grunn at løyvingar frå fondet kan nyttast til *marknadsføringstiltak for å gjere Modalen kommune sine tilbod kjende både mellom eigne innbyggjarar og folk utanfor kommunen*. I tillegg innanfor *reiselivsmarknadsføring*.

Modalen treng å styrkje omdøme og kunne ha kulturelle besøksmål som kan generere aktivitet. På dette viset byggjer me opp ulike sider ved kommunen som skal gje den merkemda som gjer at fleire finn kommunen attraktiv både å besøke, men og å vurdere å busetje seg i.

Årlege driftskostnader er rekna til om lag kr. 14 000,-. Desse kostnadane er foreslått tatt inn i kulturbudsjettet.

Konklusjon

Det vil vere mange ulike innfallsvinklar for å styrke kommunen sitt omdøme og sikre gode marknadsføringstiltak. Dette tiltaket har kulturhistorisk forankring, noko som kan tyde at det er eit varig tiltak som vert investert i og løfta fram. Dersom me vel å ta del i prosjektet er det eit signal om at Modalen kommune er ein kommune som tek vare på sine fortidsminne og sikrar tilgang for mange fleire, samt styrker dei for ettertida. Det er også eit interessant aspekt ved prosjektet at ein knyter helleristingane opp imot digital utvikling. Det styrker Modalen sitt omdøme innanfor IKT-utvikling og korleis ein tek dette i bruk på fleire/nye vis.

På eit seinare tidspunkt kan den digitale utbygginga av helleristingane også byggast vidare. Me syner ei aktiv tilnærming til eit spennande utviklingsområde. Modalen kommune er i framkant.

Sakspapir

| Saksbehandler | Arkiv | ArkivsakID |
|---------------|--------------------|------------|
| Ove Sæbø | FE - 242, TI - &00 | 16/102 |

| Saksnr | Utvalg | Type | Dato |
|----------|---------------|------|------------|
| 014/2017 | Formannskapet | PS | 31.01.2017 |

Revisjon av SNP, arbeidsdokument styringsdok. 31.01.17

Forslag til vedtak:

Arbeidsdokument for revidering av SNP vert lagt fram til drøfting i møte for styringsgruppa.

Saksopplysningar:

Arbeidsdokument til styringsgruppa for revisjon av strategisk næringsplan/fondsvedtekter ligg som vedlegg.

Vedlegg:

Arbeidsdokument styringsgruppa revisjon SNP, jan 2017